

# COVID-19



## Public service announcements for radio

For more information:  
[Canada.ca/coronavirus](https://Canada.ca/coronavirus)

Information for Indigenous communities:  
[Canada.ca/coronavirus-info-indigenous](https://Canada.ca/coronavirus-info-indigenous)



## Thiionkwe'taténion Karihowanáhton tenkarihókwahte ne tewatewennarenia:tha: tekeníhaton tekanhratáhstha iontawe'éhstha karón:ware

[Kanien'kéha]

### Kawennotà:tshera 1: COVID-19 tekanhratáhstha tánon tsi niiorihowá:nen ne tekeníhaton aiakoíén:ta'ne

#### Karihwanhotónkwen (tóka' íhsehre)

"Kwe, ..... ní' íontíats tánon ken' í:ke's akonhtharahkwénhahse ne..."

Tsi nikarì:wes ne COVID-19 kanhratarì:ne, tsitewaia'tátshon ionkwateríhonte aetewanóhstate tsi ionkwanakerahserá:ien.

Enwá:ton akwé:kon taitewaié:na tóka' aetewáhsera ne ata'karitétshera kaianerenhserá:ien tánon aionkhiiawe'éhston.

COVID-19 tekanhratáhstha iah the teioká:raien, iakoiá'tanóhstats tánon ioianerahstén:nis, tánon ionkwaia'takéhnhá's aetewatatia'tanóhstate, onkwahwá:tsire, rotikstén:ha tánon tsi niiá:kon ne aonhá:'a ate'shén:naien ne aontaiakoíé:na.

Nó:nen enhsate'nikonhrísa naesaién:ta'ne ne tekeníhaton karón:ware, ne ò:ni senakerahseranóhstats ne kí' tóhsa aontáweia'te ne COVID-19 né:ne teiotteniúnkwen. Ó:nen thóha Sató:kenhs tsi nón:we enwá:ton aiesáwe'éhste ne tekanhratáhstha karón:ware.

Né:'e tsi shé:kon iohteronténion ne kánhra, entá:'onk aetewatahsónteren tsi tetewatatia'tanóhstats.

#### Serihwahnó:ton (tóka' íhsehre)

"Tóka' skátne, entewakwé:ni. Ne kí' sénha aesató:kenhse ne tsi niohtánion ahsatatia'tanóhstate nok ahsheia'tanóhstate nakó:ren tánon tóka'ni ahserihwatshén:ri nahò:ten tó:kenhske ne tekanhratáhstha aorihwà:ke ahsathón:tate ahskwáhtho ne [Canada.ca/coronavirus](https://Canada.ca/coronavirus) tóka'ni ia'satewennáta'ahs ne 1-833-784-4397."



## **Kawennotà:tshera 2: COVID-19 tekanhratáhstha tekeníhaton karón:ware – tánon kánhra né:ne teiotteniónkwen**

### **Karihwanhotónkwen (tóka' íhsehre)**

“Kwe, ..... ní' ióntiats tánon ken' í:ke's akonhtharahkwénhahse ne...”

Ne aonhá:'a tuiánere ne tsi ní: tsi ahsatatia'tanónhstate, ahsheia'tanónhstate ne sahwá:tsire tánon sanakeráhsera ne ki' tóhsa COVID-19 aontáweia'te tánon né:ne teiotteniónkwen né:'e ne tóka' aiesáwe'ehste ne tekanhratáhstha karón:ware.

COVID-19 iah tewattó:ka's to na'tesohseriia:kon, ne ki kwah nó:nen kánhra teiotteniónkwen. Teiotteniónkwen né:'e tsi ieiokontáhkwen teiotteniónkwenhátie ne kánhra tsi nikari:wes teioterenia'tonhátie, ne ò:ni ne kánhra né:ne tkarihón:nis ne COVID-19.

Né:'e aorì:wa tsi niiorihowá:nen taká:tahste tsi waterenià:tha ne COVID-19 tsi wátston ne COVID-19 2-tekaronwará:ke tekanhratáhstha.

2 tekaronwará:ke tekanhratáhstha né:'e kén:ton tsi entá:'onk tékeni tenká:ienhte aiesáwe'ehste. Ne tiotierénhton karón:ware wahtentià:tha tsi'a'tà:ke enwatatia'tanónhstate tánon tekeníhaton né:'e teiotonhwentsóhon ne aonsaio'shatsténhseron ne tsà:takon ne takanhrá:tahste né:ne aonhá:'a tuiánere ensaia'tanonhstá:tonke.

Nó:nen káhson tsi iesawe'ehston, entka'serón:nenhte tsi niwate'shén:naien naesaié:na ne kanonhwakténhsera, aiesén'teron tsi tehshakotitsèn:tha táhnon ahsíheie ne COVID-19 aorì:wa.

### **Serihwahnó:ton (tóka' íhsehre)**

“Tóka' skátne, entewakwé:ni. Ne ki' sénha aesató:kenhse ne tsi niohtánion ahsatatia'tanónhstate nok ahsheia'tanónhstate nakó:ren tánon tóka'ni ahserihwatshén:ri nahò:ten tó:kenhske ne tekanhratáhstha aorihwà:ke ahsathón:tate ahskwáhtho ne Canada.ca/coronavirus tóka'ni ia'satewennáta'ahs ne 1-833-784-4397.”